




www.BibleForChildren.org




Doometsaa 6




Nohe haneeddabay hawaappe
kaalliide s'aafettedda. Nohe
s'illo asaa; I bare wodiyaan
de'eedda asaa gidдон suure
asaa; Nohe S'oossanna
hamettedda.




S'oossay ha sa'aa s'eelleedda;
sa'ay tuneeddawaa be'eedda;
ayaw gooppe, sa'aan de'iyaa
Asay ubbay bare ogiyaa
tunissi wotseedda.



Hewaa diraw, S'oossay Noha hawaadan
yaagiide azazeedda; «Taani asaa ubbaa
d'ayssana hanay; untuntu gaasuwaan
sa'ay makkalan kumeedda diraw, taani
tumuppe asaakka sa'aakka
d'ayssana.»




«Hewaa diraw, mino mitsaappe new
markkabiya kees's'a; he markkabiya
gidдон c'ora k'ol"otuwaa kessa; yaataade
soonnanne karenna shidiyaan bara.»




Markkabiya hawaadan
yaataade kees's'a;
adussatetsaa heezzu
s'eetu wad'aa,
gomppaa
ishatamu

wad'aa,
geesaa
hattamu wad'aa
ootsa; markkabiya
kaaraa med'd'a; . . .



... kaaraappenne
godaappe gidduwaan
itti wad'aa gidiyaa sa'aa
kallo agga basha;
penggiyaa


markkabiyyaw
miyyaanna kessa;
markkabiyyaa heezzu
pook'iyyaa kessaade
kees's'a.




«K'ay neeninne neenanna
de'iyawantu maanaw,
dumma dumma k'ommu
miyaa katsaa Eefeera,
markkabiya giddon k'ola»
yaageedda.




Untuntu neenana shemppuwaanna attana mala,
shemppuu de'iyaa med'etaa ubbaappe k'ommuwaan
k'ommuwaan attumawaanne mac'c'awaa laa"uwaa
laa"uwaa akkaade, markkabiya
giddo gelissa.



Neeni geeshsha gideedda mehiyaanne
do'aa ubbaappe Aa
k'ommuwaappe k'ommuwaappe
attumawaanne mac'c'awaa
laappunuwaa laappunuwaa,
geeshsha gidenna
mehiyaanne . . .




... do'aa ubbaappe Aa k'ommuwaappe
k'ommuwaappe itti attumawaanne
itti mac'c'awaa, k'ay saluwaa
kafuwaappe Aa
k'ommuwaappe
k'ommuwaappe
attumawaanne ...




... mac'c'awaa laappunuwaa
laappunuwaa ootsaade, sa'aa
ubbaa bollan dumma dumma
zeretsay shemppuwaanna
attana mala neenana
akkaade gela.






Nohe, Aa attuma
naanay, Aa machatanne
Aa naanaa machchetuu
bashshaa haatsaappe attanaw
markkabiya giddo geleeddino.





Nohe usuppun s'eetu laytsaa
de'ina, laa"entsa aginaan,
tammanne laappuntsa gallassan, he
gallassan biittaa gidдон de'iyaa wolk'k'aama
c'iimmaa pultuwaa ubbay d'uuk'k'i aggeeda;
saluwaan de'iyaa haatsaa penggetuukka dooyetti
wod'd'eeddino; . . .





... Iray ha sa'aa bollan oytamu
gallassanne oytamu k'ammaa
bukkeedda.




Haatsay biittaa bollan loytsi darina,
markkabii haatsaa bollan
tooketteedda.




Saluwaappe garssaana de'iyaa d'ok'k'a deretuu ubbay
mitettana gakkanaw, haatsay ha sa'aa bollan loytsi
wolk'k'aappe dareedda. Ee, mela biittaa bollan de'iyaa,
bare siid'iyaan de'uwaa shemppuwaa shemppiyaa
ubbaykka hayk'k'eedda.



Shin S'oossay Noha, aanana
markkabiya giddon de'iyaa do'aa
ubbaanne mehiyaa ubbaa k'oppeedda;
sa'aa bollan c'arkkuwaa c'arkkisseedda;
he haatsay wod'd'i wod'd'i beedda.





Oytamu gallassaappe
guyye, Nohe bare
kees's'eedda markkabiya
maskkootiyaa dooyeedda;
K'ay Nohe haatsay biittaa
bollappe wod'd'i wureeddenttonne
be'anaw itti harap'p'atto kare
yedeedda; shin he harap'p'atta
haatsay biittaa ubbaa bollan ha"ikka
de'iyaa diraw, shemppiyaa sa'aa demmabeykku.





Laa"entso aginaan laatamanne laappuntsa gallassan,
biittay mule meleedda. S'oossay he wode
Noha hawaadan yaagiide azazeedda;

«Neeni ne machchatto, ne attuma
naanaanne ne naanaa
machatuwaa akkaade
markkabiya
giddoppe
kesa.»



Nohe Med'inaa Godaw yarshshiyaa sa'aa gimbbeedda;
geeshsha
mehiyaanne do'aa
ubbaappenne
geeshsha kafuwaa
ubbaappe akkiide,
yarshshiyaa sa'aan
s'uuggiide yarshsheedda.






K'aykka S'oossay,
«Taani taappenne
hintteppe,
hinttenana de'iyaa
pas'a med'etatuwaa
ubbaappe gidduwaan yaana
yeletaa ubbaanna c'aak'k'etiyaa

c'aak'uwaa malaatay
hawaa; taani ta zuluwaa
shaariyaan essaad; I
taappenne ha sa'aappe
gidduwaan de'iyaa
c'aak'k'oo mallaa gidana.»






«Taani sa'aappe
bollan shaariyaa
aheedda wodenne
shaariyaan zuluu
beetteedda wode,
taappenne hintteppe
shemppuu de'iyaa dumma


dumma k'ommo
med'etaa ubbaappe
gidduwaan
c'aak'k'eteedda ta
c'aak'uwaa hassayana; . . .»




«... pas'a
de'iyawaa
ubbaa d'ayssanaw
hawaappe sintsan
ubbakka bashshaa
haatsay yeenna.»



S'oossay Nohanne Aa
attuma naanaa hawaadan yaagiide
anjjeedda; «Yelettite; c'orite; sa'aa
ubbaa kumite.»



«Markkabiyaappe
keseedda Noheattuma naanay
Seema, Kaamanne Yaafeeta;
Kaame Kanaane aawuwaa. Hawanttu
heezzuukka Nohe naanaa;
sa'aan ubbaan de'iyaa Asay
untuntuppe
yeletteedda.»



S'oossaa Na'aa ammaniyaa ubbay
med'inaa de'uwaa akkanaappe attin,
d'ayenna mala, S'oossay ha
alamiyaa asaa loytsi siik'eedda
diraw, bare mes's'i itti
Na'aa immeedda.



Roome 3:23 Ayaw gooppe, Asay ubbay nagaraa
ootseedda; S'oossaa bonchchuukka
unttunttoo guus's'eedda.

Roome 6:23 Ayaw gooppe, nagaraa gatii hayk'uwaa. Shin
S'oossay nu Godaa Kiristtoosa Yesuusa baggana immiyaa
imotay med'inaa de'uwaa.

Ibraawe 9:27 Asay ubbay itti gede hayk'k'anaw bessee;
hewaappe guyyiyaan S'oossay asaa pirddana.

Efesoona 2:8,9 Ayaw gooppe, hintte S'oossaa aad'd'o
keekatetsan, ammanuwaan atteeddita; hawe S'oossaa
imuwaappe attin, hintte oosuwaanna gidenna. Hintte
daaburan beettibeenna diraw, hintte
c'eeek'ettiyaabay ayaynne baawa.



Roome 10:9,10 Neeni, «Yesuusi Godaa» gaade ne doonaan markkattooppe, k'ay S'oossay hayk'uwaappe Aa dentseeddawaa ne wozanaan ammanooppe, neeni attana. Ayaw gooppe, Asay bare wozanaan ammaniide s'illee; bare doonaanka markkattiide attee.

Yohaannisa Mishiraachchuwaa 3:16,17 «S'oossaa Na'aa ammaniyaa ubbay med'inaa de'uwaa akkanaappe attin, d'ayenna mala, S'oossay ha alamiyaa asaa loytsi siik'eedda diraw, bare mes's'i itti Na'aa immeedda. Ayaw gooppe, S'oossay bare Na'aa ha alamiyaa asaa pirddanaw kiittibeenna; shin untunta Aa baggana ashshanaw kiitteedda.»



1 Yohaannisa Kiitaa 5:11-13 Simmi markkatetsay hawaa;
S'oossay nuw med'inaa de'uwaa immeedda; hewekka Aa
Na'aan de'ee. S'oossaa Na'ay de'iyaa oossinne de'uu
de'ee; S'oossaa Na'ay baynna oossinne de'uu baawa.
S'oossaa Na'aa suntsan ammaniyaa hinttenttoo med'inaa
de'uu de'iyawaa hintte erana mala, hawaa
hinttenttoo s'aafaad.



Doometsaa 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Dawro Bible (dwr) The word for the world Ethiopia

<https://www.bible.com/bible/1672/GEN.1.DFBLVL>

©2026 Bible for Children, Inc.

www.M1914.org

www.bibleforchildren.org

